

GARAPEN JASANGARRIAREN 2030RAKO HELBURUETARAKO ADIERAZLEAK AUTONOMIA ERKIDEGOAN

2015ean NBEk garapen jasangarriari buruzko 2030 Agenda onartu zuen. Bertan 17 helburu ezarri ziren, besteak beste, pobrezia desagerraraztea, klima-alaketaren aurkako borroka, hezkuntza, emakumeen berdintasuna, ingurumenaren defentsa edo gure hirien diseinua. Helburu horietako bakoitzak xede espezifiko batzuk ditu, garatu beharreko ekintzak zehazten dituztenak.

Onarpen horretatik aurrera, hainbat erakundek bat egin dute harekin erakunde-maila guztietan, hala nola erakunde multinazional eta tokiko erakunde askok.

2016ko azaroan Europako Batzordeak bere ikuspegi estrategikoa azaldu zuen 2030 Agenda aplikatzeko, Garapen Jasangarriaren Helburuak barne.

Espainiako Gobernuak, 2017ko irailean, 2030 Agendarako Goi Mailako Taldea (GMT) eratzea erabaki zuen, Espainiaren posizioa eta Agendaren helburuak betetzeko beharrezkoak diren jarduketak koordinatzeko.

Hainbat alditan, Autonomia-erkidego guztiak 2030 Agendari atxiki zaizkio, beren estrategiak garatu dituzte eta Garapen Jasangarriaren Helburuekin bat egiteko erronka hartu dute beren gain.

Planteatutako kasu guztietan funtsezkoa da kalkulatzeko jomugan eta helburuen betetze-maila neurtzeko balioko duten adierazleak.

Neurketa hori egiteko, ezinbestekoa da Estatistika-erakundeek laguntza izatea, horiek baitira Gobernuetan gaitasun handiena dutenak erabili beharreko adierazleak behar bezala definitzen eta lortzen direla bermatzeko, Nazio Batuen Batzar Nagusiaren 71/313 Ebazpenean adierazten den bezala.

EINEk eta Autonomia-erkidegoetako Estatistika-erakundeek beren Estatistika-plan eta -programetan sartu dute "Garapen Jasangarriarako 2030 Agendaren Adierazleak" izeneko estatistika-eragiketa. Eragiketa horren helburua da Nazio Batuek ezarritakoekin bat datozen estatistika-adierazleen esparru bat eratzea, Nazio Batuen

Garapen Jasangarrirako 2030 Agendaren Helburuen eta Jomugen jarraipena egiteko lurralde-maila desberdinetan.

2019an, eta Autonomia-erkidegoen adierazleen garapenean lan koordinatua egiteko, lantalde bat eratu zen Autonomia-erkidegoetako estatistika-organoen artean, lankidetzaren sare gisa, Nazio Batuen adierazleak kalkulatzeko metodologia Autonomia-erkidegoetarako adosteko, lurralde- edo egokitasun-arazoen aurrean alternatibak bilatuz eta, nolabait ere, konparagarritasuna bermatuz.

Lan handia egin ondoren, Autonomia-erkidego bakoitzak ditu adierazleen hasierako multzo komun eta homogeneo bat eta baita ere estatistika-erakundeek beren web-orrietan zabalduko duten fitxa metodologiko estandar bat.